



BOSNIA AND HERZEGOVINA  
Ministry of Foreign Trade and Economic Relations  
Veterinary Office of Bosnia and Herzegovina

Broj:07-4-50-4-791-33/20  
Datum: 27.01.2021

Na osnovu člana 61. stav (2) Zakona o upravi („Službeni glasnik BiH“, broj 32/02,102/09 i 72/17), člana 70. stav (1), (4) i (6), a u skladu sa članom 69. stav (2) tačka d) Zakona o javnim nabavkama Bosne i Hercegovine („Službeni glasnik BiH“, broj 39/14), na preporuku Komisije za javnu nabavku laboratorijskih usluga za analizu službenih uzoraka u skladu sa zahtjevima EU, za analizu rezidua veterinarskih lijekova i kontaminanata, mikrobioloških kriterija u hrani životinjskog porijekla i hrani za životinje imenovane Rješenjem broj: 07-4-50-4-791-4/20 od 14.10.2020. godine, direktor Kancelarije za veterinarstvo Bosne i Hercegovine, donosi

**ODLUKU**  
**o poništenju postupka javne nabavke**

**Član 1.**

Poništava se postupak javne nabavke laboratorijskih usluga za analizu službenih uzoraka u skladu sa zahtjevima EU, za analizu rezidua veterinarskih lijekova i kontaminanata, mikrobioloških kriterija u hrani životinjskog porijekla i hrani za životinje, i to **lot 32 – Službeno uzorkovanje akvakulture**, iz razloga što za predmetni lot nijedna od primljenih ponuda nije prihvatljiva.

**Član 2.**

Ova Odluka će biti objavljena na internet stranici Kancelarije za veterinarstvo Bosne i Hercegovine u skladu sa članom 70. stav (6) Zakona o javnim nabavkama Bosne i Hercegovine.

**Član 3.**

Uz ovu Odluku ponuđačima koji su učestvovali u postupku javne nabavke izvršiće se i dostavljanje Zapisnika o pregledu i ocjeni ponuda u skladu sa članom 71. stav (2) Zakona o javnim nabavkama Bosne i Hercegovine.

**Član 4.**

Za realizaciju ove Odluke zadužuje se Komisija imenovana Rješenjem broj: 07-4-50-4-791-4/20 od 14.10.2020. godine.

**Član 5.**

Ova Odluka stupa na snagu danom donošenja.

## Образложение

Komisija za sprovođenje postupka javne nabavke laboratorijskih usluga za analizu službenih uzoraka u skladu sa zahtjevima EU, za analizu rezidua veterinarskih lijekova i kontaminanata, mikrobioloških kriterija u hrani životinjskog porijekla i hrani za životinje, imenovane Rješenjem broj: 07-4-50-4-791-4/20 od 14.10.2020. godine, provela je otvoreni postupak uz objavu obavještenja broj: 956-1-2-17-3-14/20 na Portalu javnih nabavki.


Nakon otvaranja ponuda, Komisija je izvršila procjenu ponuda u skladu sa uslovima traženim za dostavu ponuda u okviru otvorenog postupka, pri čemu je utvrđeno da ponude ponuđača **JU Veterinarski zavod Bihać i JU Veterinarski institut RS „Dr. Vaso Butozan“ Banja Luka** ne ispunjavaju uslove tražene tehničkim specifikacijama. Tehničkim specifikacijama traženo je ispitivanje rezidua antibiotika u akvakulturi referentnom metodom ELISA/PREMI/Metoda 6 ploča/LC-MS/MS, dok ponuđač JU Veterinarski zavod Bihać može vršiti ispitivanje rezidua beta laktama pomoću Interne metode RMR-01, dok za hemijski element živa nije dostavio dokaze o metodi ispitivanja. Ponuđač JU Veterinarski institut RS „Dr. Vaso Butozan“ Banja Luka ispitivanje za hemijski element živa može vršiti ispitivanje direktnim spaljivanjem na živinom analizatoru AMA 354 što nije u skladu sa Odlukom o praćenju rezidua određenih supstanci u živim životinjama i proizvodima životinjskog porijekla („Službeni glasnik BiH“, br.1/04, 40/09 i 44/11).

Iz svega navedenog Komisija je ponude ponuđača **JU Veterinarski zavod Bihać i JU Veterinarski institut RS „Dr. Vaso Butozan“ Banja Luka**, za lot 32 – *Službeno uzorkovanje akvakulture*, ocjenila kao neprihvatljive, te iste nisu uzete u dalje razmatranje.

Cijeneći naprijed navedeno činjenično stanje, a postupajući u skladu sa članom 69. stav (2) tačka d) Zakona o javnim nabavkama Bosne i Hercegovine, riješeno je kao u dispozitivu ove Odluke.

Protiv ove Odluke može se izjaviti žalba Kancelariji za razmatranje žalbi u roku od 10 (deset) dana od dana prijema ove Odluke.

Žalba se predaje putem Kancelarije za veterinarstvo Bosne i Hercegovine.



DIREKTOR  
  
Ljubomir Kalaba

Dostaviti:

- ponuđačima 2x;
- u spis.